

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 42. sjednici, održanoj dana 09.02.2016. godine, d o n o s i

ZAKLJUČAK

I.

Prihvata se Mišljenje Ministarstva za obrazovanje, nauku, kulturu i sport doneseno po Prijedlogu 1, zastupnika Samira Lemeša, broj: 01-34-17985-3-4-1/1., od 18.01.2016. godine, podnesenom na Program rada Skupštine Zeničko-dobojskog kantona za 2016. godinu, a vezano za donošenje Zakona o izmjenama i dopunama Zakona o visokom obrazovanju Zeničko-dobojskog kantona i čini sastavni dio ovog zaključka.

II.

Zaključak sa Mišljenjem Ministarstva za obrazovanje, nauku, kulturu i sport, se upućuje u daljnju skupštinsku proceduru.

III.

Zaključak stupa na snagu danom donošenja.

Broj: 02-_____ /16.

Datum, 09.02.2016. godine

Zenica

PREMIJER

Miralem Galijašević

DOSTAVLJENO:

1x Ministarstvo za obrazovanje, nauku, kulturu i sport,

1x Stručna služba Skupštine,

1x a/a.

Na podneseni Prijedlog 1. zastupnika Samira Lemeša, broj: 01-34-17985-3-4-1/15., od 18.01.2016. godine, na predloženi Program rada Skupštine Zeničko-dobojskog kantona za 2016. godinu, a vezano za donošenje Zakona o izmjenama i dopunama Zakona o visokom obrazovanju Zeničko-dobojskog kantona, Ministarstvo za obrazovanje, nauku, kulturu i sport daje sljedeće:

MIŠLJENJE

Nakon razmatranja podnesenog prijedloga, kao i obavljenih dodatnih konsultacija sa zastupnikom **Samir Lemešom** po pitanju članova Zakona o visokom obrazovanju ZDK-a, mišljenja smo da se podneseni prijedlog ne može prihvatiti iz više razloga. Naime, pored činjenice da je po pitanju istovjetnih amandmana na članove Zakona o visokom obrazovanju ZDK-a, podnesene putem Stručne službe skupštine 10.06.2015. godine, (a koje je uvaženi zastupnik naknadno povukao), resorno ministarstvo iste već razmatralo, može se zaključiti da se većina predloženih izmjena može adekvatno regulisati izmjenama Statuta Univerziteta u Zenici, (poput članova 52., 67., 80., 81., 90. i 132.), sa čim se složio i zastupnik Samir Lemeš, **(vidjeti u prilogu)**. Međutim, predložene izmjene članova (44., 55., pa i 76., i 79.), zadiru i u druga pitanja koja nisu samo pravne prirode, i odnose se, između ostaloga, i na ulogu Vlade Kantona kao predstavnika osnivača JU UNZE-i, a posebno prilikom učešća Vlade u procedurama izbora rukovodnog odsoblja na javnoj visokoškolskoj ustanovi i slično, a koje po prirodi stvari, odnosno činjenici da se u ovim procedurama primjenjuju i drugi propisi, (primjerice: Zakon o ustanovama F BiH, Zakon o ministarskim, vladinim i drugim imenovanjima u F BiH), treba dodatno i sagledati. S tim u vezi mišljenja smo da ne bi bilo cjelishodno, u ovom trenutku, pristupiti djelimičnim izmjenama i dopunama navedenog zakona, odnosno prije nego što se prethodno izvrše potrebne izmjene i dopune Statuta Univerziteta u Zenici, pri čemu će se dodatno i objektivno sagledati i stvarna potreba za eventualnim izmjenama i dopunama važućih zakonskih rješenja i u dijelu priznavanja inostranih kvalifikacija, od strane Vlade i Skupštine Zeničko-dobojskog kantona.

Ujedno naglašavamo da je prema stajalištu-aktu stručne službe Skupštine Kantona, **broj: 01-34-17985-3-4-1/15., od 18.01.2016. godine**, već konstatovano da se u vezi sa podnesenim **Prijedlogom 2.**, uvaženog zastupnika, a vezanim za donošenje Zakona o NIR-u ZDK-a, postupilo na način da je isti već uvršten u predloženi Program rada za 2016. godinu.

S poštovanjem,